



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

Declaratio portionum assignan. Vicarijs perpetuis Parochialium pijs locis
perpetuò vnitarum.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

Declaratio portionum assignan. Vicarijs perpetuis Parochialium pijs locis perpetuò vnitarum.

§ De huiusmodi portionibus habes in Concil. Triden. sess. 7. cap. 5. & sequentib. De Reformat.

De vnionibus autem habes ibidem. & etiam in Sess. 14. cap. 9. & Sess. 24. cap. 13. De Reformat.

PIVS *Episcopus seruus seruorum Dei, ad perpetuam rei memoriam.*



De exequendum Pastoralis officij debitum, uigilantibus studijs intendentes, ad ea, per quæ Cathedralium aliarumue Ecclesiarum, necnon Monasteriorum, beneficiorum, seu Collegiorum, ac aliorum piorum locorum prospero profectui, diuiniq; cultus augmento, & opportune congruæque sustentationi Parochialium Ecclesiarum eisdem vnitarum statui feliciter dirigendo, & personarum in illis curam animarum exercentium uilitati recta ratione, & prouida moderatione consuli, & salubriter prouideri valeat, libenter interponimus nostræ sollicitudinis partes. Hinc est quod nos, ad quorum aures (quod non sine animi nostri molestia referimus) peruenit, nonnullos ex uenerabilibus fratribus nostris, Patriarchis, Archiepiscopis, & Episcopis, in deputandis Vicarijs, ac in assignatione portionum Vicarijs perpetuis Parochialium dictis Ecclesijs, Monasterijs, Beneficijs, Collegijs, uel Locis pijs perpetuò vnitarum ex Concilio Tridentino facienda, ita modum excessisse, ut parum aut nihil ex fructibus, redditibus, & prouentibus Parochialium Ecclesiarum sic vnitarum Ecclesijs, Monasterijs, Beneficijs, Collegijs, alijs Locis pijs remanserit, ob idque multæ ortæ sint super hoc controuersie circa interpretationes decreti dicti Concilij. Nos ad eas tollendas animum intendentes, considerantesque vniones ipsas ideo à prædecessoribus nostris factas esse, ut ex reddibus, & emolumentis beneficiorum vnitorum, Ecclesijs, Monasterijs, Collegijs, Beneficijs, & Locis pijs, quibus illa uniuntur, facilius onera eisdem incumbentia supportentur, & promptius à ministris Ecclesiasticis, in eisdem diuina officia celebrentur, hospitalitas seruetur, aliaque charitatis opera exercentur, ac etiam ut nihilominus cura animarum dictarum Parochialium laudabiliter exerceretur: Motu proprio, & ex certa nostra scientia auctoritate Apostolica hac nostra perpetuò ualitura constitutione statuimus, & ordinamus, ac declaramus, quemadmodum etiam de ipsius

Concilij

Concilij merito fuisse colligitur, Patriarchas, Archiepiscopos, & Episcopos prefatos in assignatione portionis ipsius Vicarijs perpetuis ex prædicto Concilio ipsorum Prælatorum arbitrio facienda ita se continere & arbitrari debere, ut non maior centum, nec minor quinquaginta scutorum annuorum summa computatis omnibus etiam incertis emolumentis & alijs obventionibus communiter percipi solitis eis omnino assignetur, nisi Vicarijs temporarijs solitum fuisset plus assignari, siue in quantitate, aut quota fructuum, pecuniaque numerata, fundo, seu alia re stabili portio huiusmodi constituatur, cuiuscumque valoris Parochialis Ecclesia vnita fuerit, & habita etiam ratione reddituum, & onerum loci, cui Parochialis ipsa vnita fuerit, ita quod portiones ultra, uel infra dictas summas scutorum centum, & scutorum quinquaginta hætenus assignate, vel in posterum forsitan assignandæ, quo ad excessum, & defectum huiusmodi nullius roboris, & momenti existant, & ad summas prædictas reductæ & auctæ respectiue censeantur, nisi tamen valor annuus ipsius parochialis unitæ habita ratione (ut præfertur) minor sit quinquaginta scutis, quo casu portio assignata, uel assignanda Vicario perpetuo, non habeat excedere summam annuarum ualoris dictæ parochialis, sed sufficiat quod omnes fructus eius dumtaxat attribuantur ipsi Vicario perpetuo. Et quoniam iniquum esset, eos qui commodis priuantur, eadem onera quæ prius sustinebant debere sufferre, volumus, & statuimus, quod Ecclesiæ, Monasteria, Collegia, Beneficia, & pia loca huiusmodi, in quorum Parochialibus Ecclesijs unitis continget Vicarias prædictas erigi, pro quantitatibus fructuum ipsis Vicarijs perpetuis assignatorum, ad solutionem quindenniorum, quam nobis & Cameræ Apostol. soluunt, ulterius non teneantur sed eis detractio fiat ad ratam certorum, quæ de fructibus dictarum Parochialium percipiuntur. Ita tamen quod Vicarij perpetui, qui pro tempore deputabuntur, teneantur accipere à Sede Apostol. nouam prouisionem suæ deputationis, & soluere annuatim pro portione fructuum, reddituum, & prouentuum certorum sibi assignata, & expedire literas Apostolicas, nec alias ad possessionem dictarum Vicariarum perpetuarum, & seruitium earundem parochialium admitti possint, nisi soluta Annata, & expeditis literis Apostolicis nouæ prouisionis, ut præfertur: alioquin integrum quindennium solui debere, nec Vicarij prædicti antea tuto conscientia fructus percipere possint. Volumus insuper, & ita mandamus, quod dicti Vicarij perpetui non ad liberâ Ordinariorū electionem, sed ad nominationem illorum, in quorum Ecclesijs unitis ponentur, cum ipsorū Ordinariorum, seu eorum Vicariorum præuio examine approbatione deputentur. Et si dictæ Parochiales unitæ erunt Monasterijs regularium mendicantium, possint à superioribus dictorum

mona-

monasteriorum nominari ex ipsis mendicantibus, quos si Ordinarij prouo examine per se, aut eorum Vicarios faciendo idoneos ad curam animarum exercendum inuenerint, & ita pro idoneis approbauerint, teneantur in Vicarios, ad nutum tamen Superiorum suorum amouibiles, deputare. Idemque etiam seruetur in Regularibus monachis tantum, dummodo in ea parochiali, in qua vnus ex eis monachis fuerit, seruata forma praedicta, Vicarius deputatus, habitent cum eo saltem quatuor alij ex dictis monachis. Sicque per quoscunq; iudices quauis auctoritate fungentes, sublata eis, & eorum cuilibet quauis aliter iudicandi, & interpretandi potestate, iudicari, & interpretari debere: Nec non irritum, & inane decernimus quicquid secus a quoquam quauis auctoritate attentatum forsitan est haecenus, vel in posterum contigerit attentari. Non obstantibus constitutionibus, & ordinationibus apostolicis, ceterisque contrarijs quibuscunq;. Volumus autem quod praesentes literae in Cancellaria nostra Apostolica, & ad valuas Principis Apostolorum de Vrbe de more publicentur, & inter Constitutiones perpetuo valituras describantur. Et quia difficile foret eas ad singula quaeque loca deferri, quod earum transumptis etiam impressis, manu alicuius Notarij publici subscriptis, & sigillo alicuius Praelati munitis, eadem prorsus fides adhibeatur, quae praesentibus adhiberetur, si forent exhibitae, vel ostensa. Nulli ergo omnino hominum liceat hanc paginam nostrae ordinationis, declarationis, statuti, mandati, decreti, & voluntatis, infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac beatorum Petri & Pauli Apostolorum eius, se noverit incursurum.

Datum Romae apud Sanctum Petrum Anno Incarnationis Dominicae, millesimo quingentesimo sexagesimo septimo, Kal. Nouembris, Pontificatus Nostri Anno Secundo.

Ca. Glorierius.

H. Cumy.

Annno à Natiuitate Domini nostri Iesu Christi Millesimo Quingentesimo Sexagesimo septimo, Indictione decima, die vero decima quinta Mensis Nouembris, Pontificatus Sanctissimi in Christo Patris, & D. N. D. Pij, diuina prouidentia Papae Quinti, Anno eius secundo, Retroscriptae literae Apostolicae affixae & publicatae fuerunt ad valuas Basilicae Principis Apostolorum de vrbe, & Cancellariae Apostolicae, ibidem dimissis copijs affixis per nos Io. Andream Rogerium, & Antonium Cletici Cursores Apostolicos.

Ioannes Guerardi Magister Curs.

Registrata apud Caesarem Secretarium

BYLLA